

# Bayu-Undan no Timor-Leste Dezenvolve Hamutuk

Marsu 2017

ConocoPhillips



## CONOCOPHILLIPS NO PROJETO BAYU-UNDAN

ConocoPhillips mak nu'udár operadór ba kampu gás no konsensadu Bayu-Undan nian hodi parseirus empreendimento conjunta Bayu-Undan nian, ConocoPhillips, Santos, Eni, INPEX, Tokyo Timor Sea Resources no mós governu Timor-Leste no Austrália. Ami iha orgullu atu kontinua fó nafatin oportunidade ba Timoroan sira hodi participa iha projetu ne'e no harii sira-nia kapasidade, através "konteúdu lokál". Ida-ne'e inklui oportunidades ba empregu, formasaun, forneseidór lokál Timór nian no mós apoiu ba programas komunitária nian Ami espera katak ita-boot sira gosta atu lee pontu realizaun resente nian balun.

## KONTRATASAUN DESTINADA IHA TIMOR-LESTE

Iha 2016, ConocoPhillips lansa iniciativa ida Kontratasau Destinada (TP), ne'ébé ho objetivu atu kria oportunidades barak ba forneseidór sira atu fornese bens no servisu ba Bayu-Undan. Depoizde halo tiha estudu ida hodi avalia kapasidades hosi forneseidór potenciál nian, ámbitu serbisu nian re-avaliadu hodi identifika elementus ne'ébé bele dezagregadu ba iha ámbitus espesífiku, nune'e permite kontratasau destinada ba forneseidór sira iha Timor-Leste.. Hirak-ne'e inklui:

- Ekipamentu jerál & konsumível
- Ekipamentu Protesaun Pesoál
- Materiál elétrika
- Tubu instrumentasaun
- Obras fabrikasaun ho risku ki'ik

ConocoPhillips no ami-nia kontrator sira husi Bayu-Undan nian kontinua avalia oportunidade atu aplika abordajen TP nian ba iha ámbitus serbisu, ho espetativas katak bens no servisu lokál nian ne'ébé fornese hosi forneseidór sira iha Timor-Leste ne'e sei aumenta.

Iha inísiu 2017, ConocoPhillips konkluui ona ninia avaliasaun ba forneseimentu materiál sira elétrika no tubu instrumentu ba projetu Posu Enximentu Bayu-Undan, no konsede ordens-de-kompra ba Oceania Unipessoal Lda, distribuidór ida mak lokalizadu iha Dili hodi halo forneseimentu ba materiál hirak-ne'e. Ekipa projetu nian serbisu hamutuk ho Oceania hodi estabelese kontaktus ho fabrikantes ba sasán hirak-ne'e, atu asegura katak materiál sira kontinua hodi prenxe rekeztus ba espesifikasaun no kualidade ne'ébé ezije hosi indústría mina no gás tasi-laran nian.

## BAZE FORNESIMENTU IHA DILI, TIMOR-LESTE

ConocoPhillips no Autoridade Nacional do Petróleo e Minerais identifika katak estabeleseimentu baze forneseimentu ida ba Bayu-Undan iha Dili ne'e nu'udár fasilitadór importante ida iha iniciativa Kontratasau Destinada (TP), atu permite forneseidór barak tan iha Timor-Leste atu fornese bens no servisu ba funsionamentus Bayu-Undan nian. Ninia objetivu mak atu estabelese baze forneseimentu ida ba fins espesífiku nian iha períodu tempu ida nia laran hodi apoia forneseimentu prevista ba sasán lokál sira ne'ébé maran no konsumível sira ne'ébé asociadu ho Bayu-Undan nia kontratu ba forneseimentu hahán no limpeza nian. Ida-ne'e konsege realiza duni iha trimestre dahaat tinan 2016 nian. depoizde liutiha konkursu ida kompetitivu, Altus mak hetan kontratu ba baze forneseimentu Timor-Leste nian. Iha faze ida-ne'e, instalasaun ne'e oferese kintál ida ho luan 200m2 no espasu iha laran ho luan 50m2 ne'ébé bele akomoda manipulasau no empakotamentu ba produsus hahán no materiál sira atu hodi fornese ba Bayu-Undan iha baze regulár. Haree ba forneseimentu iha Timor-Leste ne'e sai boot ba beibeik, iha duni kapasidade atu aumenta servisu no ámbitu serbisu hosi facilidade refere.

Baze Forneseimentu Bayu-Undan Dili, Timor-Leste



## KOLÓKIU FORNESEDÓR NIAN IHA DILI

ConocoPhillips iha kompromisu ba envolvimentu kontínua ho forneseidór potenciál sira iha Timor-Leste, hodi ajuda sira hatene kona-ba ami-nia rekeztus no ajuda ami hodi akompaña sira-nia kapasidade bainhira sira dezenvolve. Iha fulan Agostu 2016, ConocoPhillips realiza kolókiu indústría lokál nian ida ba empresas Timor-Leste ne'ébé interesadu. Kolókiu ne'e hala'ó atu ho objetivu atu fó informasaun kona-ba atividades Bayu-Undan nian no mós oportunidades asociadu iha aban-bainrua nian ba empresa sira iha Timor-Leste. Kolókiu ne'e mós fasilita empresas Timor-Leste nian atu regista sira-nia interese ho ConocoPhillips, atu nune'e sira-nia kompañia bele hetan oportunidade atu konkurra iha rekeztus ba kadeia forneseimentu Bayu-Undan nian iha aban-bainrua.



Kolókiu forneseidór nian iha Dili

## ESS FORNESE SERVISU AIHAN NO HOSPITALIDADE BA BAYU-UNDAN

ESS sai forneseidór ida ba servisu restaurasaun nian iha prazu naruk nia laran ba ConnocoPhillips no liuhosi revizaun conjunta ba sira-nia planu kona-ba konteúdu lokál, no aplikasaun ba abordajen Kontratasau Destinada, avaliasaun ida ba bens no forneseimentu lokál nian ne'e hala'ó iha tinan 2016. Objetivu ida estabeleseidu atu fornese sasán maran no konsumível lubuk ida hosi Timor-Leste ba Bayu-Undan iha tinan ne'e nia rohan.

Objetivu ida-ne'e alkansa iha fulan Dezembru 2016 bainhira ESS karrega kontentór primeiru ne'ébé nakonu ho sasán maran no konsumível lokál ne'ébé tula ba iha Baze Forneseimentu Dili.

## ESKRITÓRIU FOUN CONOCOPHILLIPS IHA TIMOR LESTE

Iha Janeiru 2017, eskritóriu ConocoPhillips Timor-Leste nian muda tiha ona ba iha Timor Plaza andár 4 CBD 3 iha Dili. Relokasaun ba eskritóriu nian ne'e ho intensaun atu hadi'ak fluxu serbisu hodi akomoda ConocoPhillips nia funsionáriu no pesoál asoiadu ho kontratus servisu manutensaun no enjeñaria nian, ne'ebé anteriormente lokalizadu iha facilidades diferente.

Arranjus ba eskritóriu foun ne'e sei hasa'e sinerjias serbisu nian, poupa kustu no fó komunikasaun ne'ebé efikas liutan.

Disponibilidade ba espasu eskritóriu foun ida moderna representa aumentu pozitivu ida ba iha kapasidade nasaun nian atu fornese bens no servisu. Ida-ne'e hasa'e kapasidade ne'ebé komplementa ami-nia iniciativa Kontratasun Destinada atu hasa'e konteúdu lokál Timor-Leste nian iha projetu Bayu-Undan.



Area resepsaun eskritóriu foun ConocoPhillips nian

## PROGRESAUN BA EMPREGU IHA TIMOR-LESTE

### TIMOROAN NAIN HAAT KUALIFIKADU NU'UDÁR ENJEÑEIRUS BA MANUTENSAUN AERONAVES LISENSIADU HOSI AUSTRALIA

Ámbitu servisu elikópterus ba Bayu-Undan ne'e inklui ona Timor-Leste nia inisiativas ba empregu no dezenvolvimentu hosi kedas inísiu.

Iha tinan 2016, depoizde konkluzau ho susesu ba sira-nia programa, enjeñeirus aeronaves nain haat sai ona nu'udár Timoroan sira dahuluk ne'ebé hetan sira-nia Diploma Kompeténsias Aero, ne'ebé alkansa rekeztus akreditaun rigoroza hosi Australian Civil Aviation Safety Authority hodi sai nu'udár Enjeñeirus ba Manutensaun Aeronaves.



Timoroan kualifikadu ne'ebé lisensiadu nu'udár Enjeñeirus ba Manutensaun Aeronaves

### OPORTUNIDADES DEZENVOLVIMENTU KARREIRA HOSI WOOD GROUP PSN



Wood Group PSN fornese servisu enjeñaria ba Bayu-Undan no atualmente emprega sidadaun Timor-Leste nain 15 iha pozisaun oiain.

Ekipa ne'e integradu ho sentru Enjeñaria ConocoPhillips nian iha Dili. Nu'udár parte hosi programa dezenvolvimentu ne'ebé konkorda ona, Joice Nay, Administradora Gabinete iha Timor-Leste nian, sai promovida ba knaar Xefe Ekipa nian.

### SEAFX HALO TRANZISAUN BA TIMOROAN HODI SAI MEKÁNIKU ESTAJIÁRIU

SEAFX fornese ró apoiu alojamentu ba Bayu-Undan, no atualmente sira emprega sidadaun Timor-Leste nain sanulu resin-neen. Iha 2016, Joao Marques halo tranzisaun hosi Tripulasaun Konvés (Deck Crew) ba iha Ekipa Mekániku, sai nu'udár Mekániku Estajiáriu ida. Knaar ida-ne'e envolve estájiu mekániku nian ida hosi supervizaun no mentoria hosi Enjeñeiru Xefe.

Joao komesa ninia estájiu nu'udár Mekániku Estajiáriu ida hahu fulan Julu 2016, hatudu vontade ida atu amprende no kapasidade atu serbisu ne'ebé boot liu espetativas.

### CALLIDUS PROMOVE TIMOROAN BA JERENTE SUKURSÁL DARWIN

Callidus fornese servisu kampu iha Tasi-Laran/Rai Laran nian ba Bayu-Undan/DLNG no ofisina manutensaun válvula nian ida totalmente ekipada ne'ebé lokaliza iha Darwin. Callidus emprega sidadaun Timor-Leste nain haat tuir sira-nia planu konteúdu lokál nian, no dezenvolve ona Nelson Baptista, ne'ebé hahu serbisu ho Callidus iha tinan 2011, hosi Xefe Ekipa montajen/makinista hodi asume kargu nu'udár Jerente Área nian iha Darwin.



Joao Marques –Mekániku Estajiáriu SEAFX

## PROGRESAUN FORMASAUN IHA TIMOR LESTE

### ESTAJÁRIUS TIMOROAN NAIN TOLU ATU KOMPLETA CERT III BA ARMAZENAMENTU IHA BAZE FORNESIMENTU DARWIN

Qube Ports Pty Ltd administra baze fornesimentu Darwin nian ba Bayu-Undan. Nu'udár parte hosi sira-nia kompromisu ba konteúdu lokál nian, sira rekruta sidadaun Timor-Leste nain tolu (Matilde, Zelio no Elnuno) ne'ebé kompleta ona kursu treinamentu Sertifikadu III iha Operasaun Armazén nian.

Sertifikadu III iha Operasaun Armazén ne'e nu'udár kursu ida ho akreditasaun nasional iha Padraun Kualifikasaun Australianu nian.



Matilde, Zelio no Elnuno iha terrenu iha Baze Fornesimentu Darwin

### ESTUDANTES KOMPLETA PROGRAMA KOMPETÉNSIA BÁZIKU IHA CNFP BECORA



Programa kompeténcias báziku Subsea 7

Subsea 7 fornese substituisaun ba karretél tasi-okos 18-inch ba Plataforma Kabesa- Matilde, Zelio no Elnuno iha terrenu iha Baze Fornesimentu Darwin Posu 1 iha Bayu-Undan. Nu'udár parte hosi sira-nia kompromisu ba kapasitasaun nian, sira ofere kursu formasaun kompeténcia báziku fulan 6 (Numerasia, Alfabetizasaun no Inglés) ba sidadaun Timor-Leste nain 25. Sira konklui ho susesu kompeténcias báziku ho Sertifikadu nível 1 iha kursus EFP oioin ne'ebé akreditadu iha Timor-Leste no Austrália.

Kursu sira-ne'e hala'o hosi Centro Nacional de Formação Profissional (CNFP) Becora, iha Dili no fasilita hosi Departamentu Edukasaun Northern Territory.

### SIDADAUN TIMOR-LESTE NAIN RUA KOMESA ONA ESTÁJIU HO HALLIBURTON IHA PERTH

Halliburton hafó servisu intervensaun Posu ba Bayu-Undan. Atualmente sira ofere estájiu rua ba Timor-Leste nia enjeñeirus pozgraduasaun nian nu'udár parte hosi sira-nia planu konteúdu lokál. Programa estájiu ne'e hahú iha Outubru 2016. Estajiáriu nain rua ne'e serbisu iha Perth, iha ofisina Halliburton Wireline no Slickline.

Estájiu/esperiénsia serbisu ne'e sei inklui mistura ba oportunidades aprendizajen nian. Estajiárius nain rua ne'e sei bele partisipa iha preparasaun, reparasaun no manutensaun ba ekipamentu ne'ebé utliza iha operasaun kampu petrolíferu nian inklui ferramentas no teknolojia slickline no wireline nian.



Estajiárius Halliburton

### TIMOROAN PARTISIPA IHA FORMASAUN PASU PRIMEIRU IHA PERTH

Kursu formasaun Pasu Primeiru ida ne'ebé realiza ho susesu iha Perth, ba membrus Timoroan nain neen hosi ekipa projetu Clough AMEC Bayu-Undan JV. Kursu ne'e ajuda hodi apoia kultura seguransa ida forte iha projetu nia laran tomak.

Depoizde kursu Pasu Primeiru ne'e, tuirmai estajiáriu sira-ne'e partisipa iha programa Lideransa Seguransa nian durante loraun 3 iha facilidade formasaun ERGT nian iha Perth. Kursu ida-ne'e haree liu ba aspetus lideransa hosi seguransa, jestaun ekipa no responsabilidades hosi supervizór nian. Estajiárius nain neen seluk tan sei partisipa iha kursu rua ne'e iha inísiu tinan 2018. Kursu sira-ne'e forma parte hosi programa dezenvolvimentu lideransa ne'ebé la'o daudaun hela.



Formandus Clough AMEC

## CONOCOPHILLIPS ASINA PROGRAMA FORMASAUN PROFISIONÁL BA TINAN RUA HO GOVERNUN TIMOR-LESTE

ConocoPhillips iha orgullu atu serbisu hamutuk nafatin ho governu Timor-Leste hodi konkretiza programas formasaun ne'ebé ho objetivu atu harii Timoroan sira-nia kapasidade.

Iha loron 15 Dezembru 2016, ConocoPhillips asina Nota Entendimentu ida ho Governu Timor-Leste, ne'ebé representa hosi Autoridade Nacional do Petróleo e Minerais (ANPM) no Secretaria Estado Para a Política de Formação Profissional e Emprego (SEFPOPE). Serimónia asinatura ne'é hala'ó iha Centro Nacional de Emprego e Formação Tibar, Munisípiu Liquica Timor-Leste. Programa formasaun profesionál nian ida-ne'e kó-finansiadu hosi Governu Timor-Leste no Austrália no mós Empreendimentu Konjunta Bayu-Undan nian.

Objetivu hosi programa ida-ne'e mak atu prepara formandus nain 40 ho kompeténsias eléctricas no instrumentasaun ne'ebé útil ne'ebé mak bele aplika iha área indústrias oioin iha Timor-Leste. Programa ne'e mós fasilita Formadór Timoroan nain neen dedikadu hosi CNEFP atu serbisu hamutuk ho formadór internasionál sira hosi Cegelec Oil & Gas durante programa tinan rua ne'e nia laran, hodi assegura katak habilidades hirak-ne'e transfere duni ho susesu.



Serimónia Asinatura Formasaun Profisionál

Ofisial sira hosi governu Timor-Leste nian inklui Ministru Estadu & Koordinadór ba Asuntu Ekonómiku Sr. Estanilas da Silva, Ministru Petróleo no Rekursus Minerais Sr. Alfredo Pires, Sekretáriu Estadu ba SEFPOPE Sr. Ilidio Ximenes da Costa, no erimónia Asinatura Formasaun Profisionál

Timor-Leste nia Komisáriu Konjunta Sr. Antonio Loiola partisipa iha serimónia asinatura nian hamutuk ho konvidadus seluk no média lokál. Governu Timor-Leste elojia ConocoPhillips nia kompromisu kona-ba prestasaun konteúdu lokál nian através hasa'e foinsa'e Timoroan nia kapasidade, prepara sira ho kapasidades adekuada hodi atende ba ezijénsia indústria iha rai-laran.

## GRADUADUS SUSESU HOSI FULBRIGHT SERN FILA HIKAS MAI TIMOR LESTE

ConocoPhillips kontinua hodi apoia dezenvolvimentu iha Timor-Leste através fó bolsu estudu ba nível pozgraduadu iha área sira relacionadu ho enerjia nian iha universidade sira iha Estados Unidos da America (EUA).

Graduadu nain sanulu resin-lima mak konklui ona sira nia estudus ho susesu no fila hikas ona mai Timor-Leste hodi serbisu iha sira-nia áreas respetivas, enkuantu estudantes nain haat kontinua hodi hatudu progresu ne'ebé di'ak iha sira-nia programas akadémiku iha EUA.

Entre ema hirak ne'ebé mak fila ona mai ne'e mak bolseiru Fulbright nian (Fulbrighter), Venancio Pinto. Nia bá iha EUA iha fulan Fevereiro 2014 hodi foti Mestradu iha Saúde Pública iha Georgia State University, no hetan nia graduasaun iha fulan Agostu 2016. Venancio satisfetu tebes tanba nu'udár graduadu ida hosi programa ida ne'ebé prestijiozu tebes. Nia agora serbisu nu'udár Analista Dados nian ba AusAID nia kontratante, CARDNO, iha Timor-Leste

"Obrigadu, Fulbright SERN no ConocoPhillips, ne'ebé fó ona oportunidade mai hau atu aumenta hau-nia koñesimentu no hetan esperiénsia ne'ebé útil iha EUA ne'ebé hau nunca hanoin katak hau rasik sei bele realiza. Alende realizasaun edukativa no mós esperiénsia kulturál ne'ebé hau hetan, hau mós habelar ona hau-nia rede ba kolegas no mós koneksaun iha mundu tomak" dehan Venancio.

Programa ida-ne'e realiza através kooperasaun entre ConocoPhillips, Ministériu Petróleo no Rekursus Minerais, Autoridade Nacional do Petróleo e Minerais (ANPM), no parseiru implementadór Embaixada Estados Unidos iha Dili. Bolsu estudu ne'e kó-finansiadu hosi Governu Timor-Leste no Austrália no mós projetu Bayu-Undan.



Graduadu hosi Fulbright Venancio Pinto